



MOŽDA SE BAŠ PAS VAŠEG ŽIVOTA NALAZI NEGDJE NA ULICI! DAJTE MU ŠANSU DA VAS PRONAĐE!

Ako ste zainteresirani za udomljavanje, kontaktirajte Predstavništvo Fondacije Dogs Trust putem e-maila fostering@dogstrust.ba ili kontaktirajte Amera Talića, našeg koordinatora za udomljavanje, putem telefona: **063 299 224**.

Na našoj web stranici www.dogstrust.ba možete pronaći dodatne informacije, a možete popuniti i upitnik koji će našem koordinatoru pomoći da shvati vaše želje i mogućnosti i da vam pomogne da pronađete psa koji je idealan za vas!



3 KLJUČNA PITANJA

Odlučili ste: želim psa! Procijenili ste da ćete svom ljubimcu moći osigurati zdravu hranu, frišku vodu, suh i prozračan prostor za boravak, veterinarsku njegu, obuku i fizičku aktivnost, te što je najvažnije, ljubav i pažnju! Čestitamo! Na dobrom ste putu!

Ali prije toga, postavite sebi sljedeća pitanja:

- 1 Zašto želim imati psa?**
Neki od dobrih razloga su: da imam prijatelja koji me voli bezuvjetno, da imam nekoga da me motiviše da se krećem, da bude dio odrastanja moje djece, da bude društvo starijoj osobi, da spasim jedan život, da imam nekoga o kome ću se brinuti...
- 2 Jesam li spreman/spremna da se o tom biću brinem do kraja njegovog života?**
Ovo je eliminirajuće pitanje i jedini ispravan odgovor je čvrsto i definitivno „Da“. U suprotnom, savjetujemo vam da odustanete od nabavke psa.

3 Kakve su potrebe psa koji će biti moj ljubimac, i da li im ja mogu udovoljiti?

Ako ste neko ko ima aktivan život i često ste u prirodi, na trčanju gdje možete povesti psa, onda vaš pas treba da bude takav da mu treba i da voli mnogo kretanja. Ako volite umjerenu fizičku aktivnost, onda vašem psu treba manje kretanja od ovog prvog. Ako imate duge radne sate, onda potrebe vašeg psa za kretanjem ne smiju biti velike. Ako imate djecu, onda želite psa koji voli igru i mentalnu stimulaciju, te koji je tolerantan. Ako je pas za stariju osobu, onda to ne treba da bude pas kojemu treba duga šetnja 3 do 4 puta dnevno, već jedna i nekoliko kraćih, itd. Međutim, držite na umu da je ovo samo jedan od važnih aspekata i da je proces mnogo kompleksniji.



Predstavništvo Fondacije Dogs Trust u BiH
Gorica 61, 71000 Sarajevo, Bosna i Hercegovina
T 033 832 593 T 033 837 649 F 033 832 634
office@dogstrust.ba | www.dogstrust.ba

PRAVI PAS ZA VAS

Kako odabrati ljubimca koji je najbolji za vas

MOŽDA SE BAŠ PAS VAŠEG ŽIVOTA NALAZI NEGDJE NA ULICI! DAJTE MU ŠANSU DA VAS PRONAĐE!



Gdje nabaviti psa

Jeste li spremni da razmislite mogućnost udomljavanja? Zašto kupovati psa kada postoji toliko kvalitetnih napuštenih pasa i psića koji čekaju za pažnjom i domom?!

- i** Mješanci su psi koji su mješavina različitih rasa, pa tako imaju mnogo manju vjerovatnoću da naslijede genetska oboljenja koja su povezana uz određenu pasminu. Mješanci koji žive na ulici su često vrlo prilagodljivi, otporniji na bolesti a poučeni borbom za opstanak, i inteligentni. Veliki broj ovih pasa jako žude za pažnjom i ljubavlju čovjeka, te su zahvalni i uzvraćaju bezuvjetnom odanošću! Kao i vi, oni su sa svojim jedinstvenim karakterom - unikatni, Suprotno mitovima, mješanci sa ulice su jednako pogodni za obuku kao i rasni psi, samo što se oni još se više raduju nagradi!

Predstavništvo Fondacije Dogs Trust u BiH kroz svoj **Program fostering udomljavanja** u Kantonu Sarajevo nudi mogućnost udomljavanja napuštenih pasa koji su zdravi i socijalizirani, a za koje pokriva sve početne troškove veterinarske obrade i osnovne obuke.

Ako se odlučite za udomljavanje kroz Dogs Trust Program fostering udomljavanja, dobit ćete imožda najvažniju podršku: stručne konsultacije koje će vam pomoći da pronađete psa koji je najbolji za vas i kome ćete vi biti najbolji vlasnik! Nakon preuzimanja vlasništva, naši stručnjaci će vam također biti na raspolaganju za savjete tokom početnog perioda prilagođavanja psa na vaš dom!



Kupovina psa

U slučaju da se ipak odlučite kupiti psića, učinite to isključivo kod registrovanih uzgajivača.

Imajte na umu da različite pasmine nose rizike od različitih genetskih oboljenja, te se obavezno prvo posavjetujte sa stručnjakom.

Tako je npr. francuski buldog, iznimno simpatičan i dobre naravi zbog čega se mnogi odluču za kupovinu, klasični primjer brahiocefalične pasmine.

Kod ovakvih pasmina značajka je predugačko meko nepce, suženje nosnica, mali promjer dušnika u odnosu na veličinu tijela, "izvrtanje" tkiva koje se nalazi ispred glasnica pa dolazi do djelomične blokade prohoda zraka u dušnik, paraliza ili kolaps laringealnih hrskavica. Pri aktu disanja, naročito kod udisaja, javlja se karakteristično hroptanje, a tom iritacijom već suženih dišnih prohoda dolazi do otečenja tkiva i posljedično još jačeg suženja.

Poznato je da psi, za razliku od ljudi, nemaju žlijezde znojnice raspoređene po svome tijelu, pa se hlađenje organizma odvija putem dahtanja. Problemi koji se javljaju su otežano disanje, otežano gutanje, gutanje veće količine zraka, plinovi u probavnom traktu, pregrijavanje organizma zbog fizičke aktivnosti, visoke temperature okoliša i visoke razine vlage u zraku, hipoksija organizma i mogući kolaps.

- i** Ono što karakteriše sve brahiocefalične pasmine je njihov oblik glave s kratkom, sabijenom njuškom, a ono što kod takvih životinja predstavlja najveći problem su suženi dišni prohodi što negativno utječe na njihovu dobrobit.

- i** Ako se ipak odlučite za psa sa brahiocefaličnim sindromom, izrazito je bitno da svom psu za vrijeme toplog vremena omogućite boravak u prostorijama ugodne temperature, a šetnje ne obavljate za vrijeme jakog sunca, već da usvojite rutinu šetanja u jutarnjim i večernjim satima kad su temperature zraka niže.

Kući dovedite zdravog psa!

Evo nekoliko korisnih savjeta za one koji se odluču kupiti psa:

- i** Posmatrajte interakciju šteneta sa svojom majkom i ostatkom legla. Štene nije spremno za razdvajanje od majke prije navršenih 8 sedmica života.
- i** Zatražite priliku da ostvarite kontakt sa štencima.
- i** Posjetite uzgajivača bar dva puta prije nego što donesete konačnu odluku, te svaki put osigurajte direktan kontakt sa štencima.
- i** Provjerite da li štenci imaju redovan kontakt s ljudima – mnogo je bolje ako štenci rastu u domu, ili okolini koja podsjeća na dom, kako bi se navikli na svakodnevne prizore, mirise i zvukove.
- i** Provjerite da li objekti izgledaju čisti, te da li štene izgleda živahno i zdravo.
- i** Zdravo štene ne smije imati iscjedak iz očiju, nosa ili bilo koje rane. Štene treba biti živahno i ne smije pokazivati očite znakove bolesti, kao što su kašalj.
- i** Provjerite da li je štene vakcinisano, te da li je primilo potrebne antiparazitne tretmane – neki uzgajivači će vakcinisati štence od 8 sedmica života, prije nego što ih uruče novim vlasnicima.
- i** Ukoliko je moguće, zatražite pismeni pristanak koji će vam omogućiti da kupljeno štene vratite nakon što ga pregleda Vaš veterinar, a u roku od 48 sati od kupovine.
- i** Provjerite da li su roditelji šteneta testirani na nasljedna oboljenja. Ukoliko ne postoje potrebni certifikati, potražite drugog uzgajivača. Za pomoć pri tumačenju rezultata testiranja, posavjetujte se sa svojim veterinarom.
- i** Osigurajte da štene ima svu potrebnu papirologiju, uključujući potvrde o vakcinaciji, izvještaje o pregledima kod veterinara, kao i pedigre ili potvrdu od uzgajivača. Zapanite, pedigre ili potvrda uzgajivača vam ne garantuju savršeno štene – na vama je da izvršite sve navedene provjere. Ukoliko Vaše štene izgleda bolesno prilikom preuzimanja, ne vodite ga kući. Dogovorite s uzgajivačem da po štene dođete naknadno te ako imate bilo kakve sumnje, odaberite drugog uzgajivača.

- i** Ako kupujete psa određene pasmine, saznajte što je više moguće o njegovim potrebama i karakteristikama te pasmine, te budite sigurni da su one usklađene s vašim mogućnostima.

Zaobiđite nabavku ljubimaca putem novina, internet oglasa, prodavnica i lanaca opreme za ljubimce!

Mnogi psi se uzgajaju za brzi profit na takozvanim "farmama štenadi", bez praćenja pravila ili preporuka za genetsko zdravlje legla. Takvi psi često rastu u okrutnim uvjetima, bez pažnje i ljubavi, a jedini kriterij za prodaju je da budući vlasnik ima novac, pa često završe u neodgovarajućim domovima.

- i** Dogs Trust vam preporučuje da razmislite o udomljavanju psa, a ako ipak kupujete, da to uradite samo putem registrovanih uzgajivača i nikako putem interneta i oglasa!

